



Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 4. Bonitas diuina, etiam in operibus, quibus de condigno nihil debetur,
remunerandis.

[urn:nbn:de:hbz:466:1-49823](#)

126 Cap. VI. Bonitas Dei in Baptismo

ne omnino operata es? Dixit ei: Non, nisi quod, videns quendam, qui à creditoribus premebaratur, se suffocare volentem, dat à illi omni substantia mea, liberavi illum. Et his dictis, continuo obdorminit in Domino. Tunc Episcopus glorificans Dominum dixit: Iustus es Domine, & rectum iudicium tuum.

§. IV.

Bonitas diuina, etiam in operibus, quibus de con-
digno nihil debetur, remunerandis.

Hoc baptismus vel meretrici, ante mortem, diuinitus procurato; non tantum mirabilia & arcana Dei iudicia illustrantur; sed etiam erudiuntur illi, qui, quæ olim pie gesserunt, frustra, esse gesta existimant. Bonus est Deus, etiam illorum operum non obliuiscitur, quæ mortali delicto extincta sunt. Illis enim et si cœlum non debeatur: enim uero et si de cogdigno nihil omnino debeatur, tanquam Dei inimicis, nisi poena; congruum tamen existimat Deus, ut aut bona recipient in vita sua, cum Epulone illo, aut ut illis aliunde via ad cœlum aperiatur. Et quis inenarrabilem bonitatem illius dignè admirari, quis pro ea dignè gratias agere queat? ait Blofius. Nam cum nemo ad salutem perueniat, qui non vel tantillum charitatis habeat,

Luc. 16.
25.
Ludouic.
Blofius
in Cano-
ne vit.
spirit. cap
2.

vii 18

ut ex amore Dei , saltem in extremo vita pos-
tus, pœnitentiam agat, auereturq; peccata: ec-
ce ipse misericordissimus hominumq; amantissi-
mus Deus , s̄ape se usq; adeò benignum & ama-
bilem etiam desperatisimis peccatoribus (quos
alicuius virtutis merito insignitos esse cognoscit)
sub mortem exhibet , ut illi ex intimis præcor-
dijs doleant , quod offenderint tam piūm Condī-
torem atq; Redemptorem. Per quam nimirūm
pœnitentiam , apti redduntur ad salutem conse-
quendam; & peracta tali peccatorum purgatio-
ne , qualem diuina iustitia quiescerit , in aeternū
cœlestis regni gaudium introducuntur. Profecto
in altissimo secretissimoq; profundo latet fons ille
inexhaustus , unde tanta pietas ad nos dimanat;
unde tanta misericordia super nos effunditur :
de qua qui desperat , Deum bonum & veracem
esse negat , in Spiritū sanctum blasphemus. Hæc
ille.

§. V.

*Nulli , ob opera à se præstā , præsumtuosè agen-
dum , nulli desperandum esse .*

At ne , qui vel eleemosynæ , vel alterius
cuiusdam boni sibi operis conscius est , te-
merariè præsumat , sibiique certò Numinis
gratiam promittat , etiamsi in grauia scele-
ra prolabatur ; sciat multos , immo pluri-
mos